

**Toshkent arxitektura qurilish universiteti xodimlarining korrupsiyaviy xatti  
harakatlari va odob-axloq qoidalarini buzish holatlari ustidan xizmat  
tekshiruvlari o'tkazish bo'yicha**

**REGLAMENT**

**I. Umumiy qoidalar**

1. Mazkur Reglament Toshkent arxitektura-qurilish universiteti (keyingi o'rnlarda - Universitet) professor-o'qituvchilar, boshqaruv, texnik, xizmat ko'rsatuvchi va o'quv-yordamchi xodimlar (keyingi o'rnlarda-hodimlar), shunigdek talabalar, magistrantlar, doktorantlar, mustaqil izlanuvchilar (keingi o'rnlarda – talabalar) tomonidan O'zbekiston Respublikasining korrupsiyaga qarshi kurashishga oid qonunchiligi yoki korrupsiyaga qarshi kurashishga oid ichki idoraviy hujjatlarini buzilishiga nisbatan xizmat tekshiruvini (keyingi o'rnlarda - Xizmat tekshiruvi) o'tkazishni belgilovchi ichki idoraviy hujjati hisoblanadi.

2. Mazkur Reglament quyidagi maqsadlarda ishlab chiqilgan:

- universitetda xizmat tekshiruvi o'tkazishga yagona yondashuvni belgilash;
- xizmat tekshiruvi o'tkazish jarayoni va natijalarini hujjatlashtirish talablarini belgilash;
- universitetda qoidabuzarliklar sodir etish, unga ziyon yetkazishga olib keladigan sabab va shartlarni aniqlash va bartaraf qilish;
- universitetda qabul qilingan ichki hujjatlar va nazorat taomillaridagi kamchiliklarni aniqlash va kelgusidagi qoidabuzarliklarga yo'l qo'ymaslik maqsadida ularni bartaraf qilish bo'yicha tavsiyalarni ishlab chiqish;
- universitet va uning xodimlarining qo'llanilayotgan qonunchilik talablarini buzganlik uchun javobgarlikka tortilishi xavfini kamaytirish.

3. Xizmat tekshiruvida ishtirok etayotgan universitet xodimlariga ushbu reglament bilan o'rnatilgan talablarga rioya qilinishi uchun shaxsiy javobgarlik yuklatiladi.

4. Universitetdagi Xizmat tekshiruvi quyidagi tamoyillar asosida o'tkaziladi:

- qonuniylik;
- universitet xodimlarining huquq, erkinliklari va qonuniy manfaatlariga rioya qilish;
- fuqarolar huquq va erkinliklarini ta'minlash va himoya qilish;
- xizmat tekshiruvi o'tkazishda olingan axborot va materiallarning konfidensialligi;
- universitet xodimlari tomonidan xizmat tekshiruvi o'tkazishdagi shaffoflik, halollik, kollegiallik, betaraflik va xolislik;
- xizmat tekshiruvi olib borilayotgan universitet xodimining aybsizlik prezumpsiyasi.

## **II. Xizmat tekshiruvni tayinlash**

5. Xizmat tekshiruvi universitet xodimlari tomonidan O‘zbekiston Respublikasining korrupsiyaga qarshi kurashishga oid qonunchiligi yoki korrupsiyaga qarshi kurashishga oid ichki idoraviy hujjatlarining buzilganligi to‘g‘risidagi asosli ma’lumotlar mavjud bo‘lganda tayinlanadi.

6. Bunday ma’lumotlar quyidagi manbalardan kelishi mumkin:

- universitet xodimlarning yozma yoki og‘zaki shakldagi bevosita rahbari yoki boshqa vakolatli shaxsga bergen ma’lumoti;
- jismoniy va yuridik shaxslarning universitetning aloqa kanallariga yuborgan xabarları, shu jumladan, anonim xabarlar;
- jismoniy va yuridik shaxslarning murojaatlari;
- ommaviy axborot vositalaridagi, shuningdek ijtimoiy tarmoqlardagi ma’lumotlar;
- o‘tkazilgan so‘rovnoma, shu jumladan, ijtimoiy va statistik tadqiqotlar natijalari bo‘yicha olingan ma’lumotlar;
- ichki audit va moliyaviy nazorat bo‘linmalar, shuningdek davlat moliyaviy nazorat organlari va O‘zbekiston Respublikasi Hisob palatasining xulosalari;
- korrupsiyaga qarshi kurashish “Komplaens-nazorat” tizimini boshqarish bo‘limi (keyingi oo‘rinlarda - Ichki nazorat tuzilmasi) tomonidan korrupsiyaga qarshi ichki talablar monitoringi va ularga rioya qilish ustidan nazorat natijalari;
- O‘zbekiston Respublikasi Prezidenti, Vazirlar Mahkamasi va davlat hokimiyatining boshqa organlarining topshiriqlari;

Boshqa kanallar orqali kelib tushgan korrupsiyaviy xarakterdagi xabarlar.

7. Quyidagilar xizmat tekshiruvi tashabbuskorlari bo‘la oladi:

- universitet rektori va uning o‘rinbosarlari;
- tarkibiy bo‘linmalar rahbarlari va ularning o‘rinbosarlari;
- universitetning Odob-axloq komissiyasi;
- universitet Korrupsiyaga qarshi kurashish “Komplaens-nazorat” tizimini boshqarish bo‘limi;
- universitetning ichki audit va moliyaviy nazoratga javobgar tarkibiy bo‘linmasi rahbari;
- universitetning Yuridik xizmati rahbari;
- universitetning Inson resurslarni boshqarish bo‘limi rahbari.

8. Korrupsiyaviy xatti-harakatlar to‘g‘risida mazkur Reglamentning 6-bandida ko‘rsatilgan manbalardan kelib tushgan har qanday ma’lumotga nisbatan Ichki nazorat tuzilmasi Xizmat tekshiruvi o‘tkazish uchun yetarli asos va ma’lumotlar mavjudligi, shuningdek kelib tushgan ma’lumotning universitet xodimlariga aloqasi bor-yo‘qligini aniqlash nuqtai nazaridan dastlabki tekshiruv va tahlil qilishni amalga oshiradilar.

9. Bunda Xizmat tekshiruvi o‘tkazilishi mumkin bo‘lgan yoki manfaatlar to‘qnashuvi mavjud bo‘lgan xodimlarni dastlabki tekshiruv jarayoniga jalb qilish taqiqlanadi.

10. Dastlabki tekshiruv tegishli ma’lumot kelib tushgan kundan boshlab 10 (o‘n) kundan ortiq bo‘ligan muddatda o‘tkaziladi.

11. Dastlabki tekshiruv xizmat tekshiruvi hisoblanmaydi.

12. Agar dastlabki tekshiruv natijalari bo‘yicha universitetga aloqador bo‘lgan

qoidabuzarlik sodir etilgani, sodir etilishi mumkin bo‘lgani yoki sodir etilayotganini taxmin qilishga asos borligi aniqlansa, u holda Korrupsiyaga qarshi kurashish “Komplaens-nazorat” tizimini boshqarish bo‘limi rahbari universitet rektori nomiga yozma xizmat xabarini jo‘natadi.

13. Agar Xizmat tekshiruvi universitet tarkibiy bo‘linmalari raxbarlari yoki uning o‘rinbosarlariga nisbatan tayinlangan bo‘lsa, xizmat xabari universitet rektorining nomiga yoziladi.

14. Agar Xizmat tekshiruvi universitet rektori yoki uning o‘rinbosarlariga nisbatan tayinlangan bo‘lsa, (O‘zbekiston Respublikasi qonunchiligi va universitetning ichki hujjatlarida ko‘zda tutilgan korrupsiyaviy xatti-harakatlar, shu jumladan manfaatlар to‘qnashuvini yashirishga oid holatlarini sodir etganlikda gumon qilingan hollarda) u holda tegislili ma’lumotlar Korrupsiyaga qarshi kurashish “Komplaens-nazorat” tizimini boshqarish bo‘limi tomonidan o‘rnatilgan tartibda O‘zbekiston Respublikasi huquqni muhofaza qilish organlariga yuboriladi.

15. Universitet rektori xizmat xabari olingen kundan boshlab 3 (uch) ish kunida xizmat tekshiruvi o‘tkazish yoki o‘tkazmaslik to‘gdisida qaror (buyruq) qabul qiladi.

16. Universitet rektori xizmat xabariga asosan tegishli materiallarni O‘zbekiston Respublikasi huquqni muhofaza qilish organlariga xizmat tekshiruvi o‘tkazmasdan taqdim etish to‘g‘risida qaror qabul qilishi mumkin.

17. Xizmat tekshiruvi o‘kazish to‘grisida qaror qabul qilish bilan bir vaqtida universitet rektori xizmat tekshiruvi o‘kazish bo‘yicha ishchi guruh rahbarini tayinlaydi va unga ishchi guruh tarkibini shakllantirisini va xizmat tekshiruvni o‘kazish to‘grisida buyruq tayyorlash vazifasini topshiradi.

18. Xizmat tekshiruvi o‘kazish to‘grisidagi buyruqda quyidagilar ko‘rsatiladi:

- Xizmat tekshiruvi predmeti (mavzusi);
- Xizmat tekshiruvi o‘kazilishiga asos bo‘lgan sabab yoki vaziyat;
- Xizmat tekshiruvi o‘kazishga sabab bo‘lgan qoidabuzarlikni sodir etishda gumonlanayotgan xodim(lar), u(lar)ning F.I.Sh. va lavozimi (bo‘linma (boshqarma, bo‘lim) nomi) ma’lum bo‘lsa;
- Xizmat tekshiruvini o‘kazish uchun masul bo‘lgan ishchi guruh tarkibi;
- Ishchi guruh a’zolari va rahbarining huquq va majburiyatları;
- Xizmat tekshiruvini o‘kazish va natijalarni taqdim etish muddati.

19. Xizmat tekshirinivi o‘kazish to‘gdisidagi buyruq loyihasi universitet rektoriga imzolash uchun Xizmat tekshiruvi o‘kazish to‘grisidagi qaror qabul qilingan sanadan boshlab 3 (uch) kun ichida taqdim etilishi kerak.

### **III. Xizmat tekshiruvi o‘kazish bo‘yicha ishchi tuzish**

20. Xizmat tekshiruvini o‘kazish bo‘yicha ishchi guruh tarkibi, Ishchi guruh rahbari taklifiga asosan tuziladi, qoida tariqasida unga Korrupsiyaga qarshi kurashish “Komplaens-nazorat” tizimini boshqarish bo‘limi, kadrlar bilan ishlovchi bo‘linmalar, yuridik xizmat, ichki audit va moliyaviy nazorat bo‘linmalari hamda lavozim majburiyati xizmat tekshiruvi predmeti bo‘lgan yoki shunga yaqin bo‘lgan boshqa bo‘linmalar xodimlari kiritilishi mumkin.

21. Universitet tomonidan tashkil etilgan ishchi guruh tarkibiga universitet raxbaryati xodimlari kiritilishi mumkin.

22. Quyidagi xodimlar ishchi guruh tarkibiga kiritilmaydi:
- Xizmat tekshiruvi o'tkazilayotgan xodimning yaqin qarindoshlari;
  - Xizmat tekshiruvi o'tkazilayotgan xodimning bevosita bo'ysinuvidagi xodim;
  - Xizmat tekshiruvi o'tkazilayotgan xodimning bevosita rahbari;
  - Xizmat tekshiruvi o'tkazilayotgan yo'nalishni boshqarayotgan universitet, rahbarining o'rribosarlari;
  - tekshiruv yakunidan bevosita yoki bilvosita manfaatdor ekanligi haqida gumon (masalan birga ta'lim olgan, bir hududdan bo'lган, ishqiy munosabatlarda, xizmat tekshiruvi o'tkazilayotgan xodim bilan oshkora ziddiyatga ega va hok.) bo'lган boshqa xodimlar.

23. Ishchi guruhni shakllantirish uchun ma'suliyat ishchi guruh rahbari zimmasida bo'ladi. U mazkur Reglamentning 22-bandida ko'rsatilgan potensial manfaatlar to'qnashuvi holati mavjudligi bo'yicha guruh a'zolarini tekshirishi shart.

#### **IV. Xizmat tekshiruvini o'tkazish**

24. Xizmat tekshiruvi tegishli buyruq imzolagan sanadan boshlab 30 (o'ttiz) kundan ortiq bo'lmagan muddatda o'tkazilishi kerak.

25. Agar Xizmat tekshiruvi jarayonida 24-bandda ko'rsatilgan muddatlarning uzayishiga olib keladigan qo'shimcha tartib-taomillar (*shu jumladan, xodimlar va boshqa shaxslar orasida qo'shimcha so'rov nomasi o'tkazish*) o'tkazilishi, qo'shimcha hujjatlarni so'rab olish talab etilsa, u holda ishchi guruh rahbari bu haqda ma'lum bo'lishi bilan majburiy tartibda, universitet rektorini xabardor qiladi. Bunday holatlarda, Xizmat tekshiruvini o'tkazish muddatlari 30 (o'ttiz) kalendar kunidan ortiq bo'lmagan muddatga uzaytirilishi mumkin.

26. Xizmat tekshiruvi o'tkazilayotgan xodim yo'q bo'lgan holda (ta'til, kasallik, xizmat safari va boshqalar), u vaqtincha to'xtatiladi, uning muddati esa avtomatik tarzda ushbu xodim yo'q bo'lgan davrga uzaytiriladi.

Agar xodim 30 (o'ttiz) kalendar kunidan ortiq muddatga yo'q bo'lgan yoki Xizmat tekshiruvida ishtirok etishdan boshqa usul bilan bosh tortgan holda, Xizmat tekshiruvi universitet rektori bilan kelishilgan holda xodimning ishtirokisiz o'tkazihshi mumkin va ushbu holat Xizmat tekshiruvi natijalarida qayd etiladi.

27. Ustdan Xizmat tekshiruvi o'tkazilayotgan xodim (talaba)ga, ishchi guruh rahbarining tavsiyasiga asosan universitet rektori buyrug'i bilan ma'lum bir axborot tizimlari, muayyan hujjatlardan foydalanishga cheklov qo'yilishi mumkin. Ushbu holatda qabul qilingan buyruq haqida, ustidan xizmat tekshiruvi o'tkazilayotgan xodim, o'sha kuniyoq buyruqqa imzo chektirilgan holda tanishtiriladi. Buyruq bilan tanishish rad etilgan holda bu haqida ishchi guruh rahbari tomonidan dalolatnoma tuziladi.

28. Xodim (talaba)ga nisbatan ma'lum bir axborot tizimlari, muayyan hujjatlardan foydalanishga cheklov qo'yishga oid buyruq xizmat tekshiruvi o'tkazishning muddatidan ortiq bo'lmasligi kerak.

#### **V. Xizmat tekshiruvini o'tkazish davomida o'rganiladigan ma'lumotlar**

29. Xizmat tekshiruvini o‘tkazish davomida ishchi gurux qoidabuzarlikka aloqador bo‘lgan ma’lumotlarni to‘plash, tahlil qilish va hujjatlashtirish ishlarini amalga oshiradi, shu jumladan:

- qoidabuzarlik, uni sodir etish sabablari nimada aks etadi;
- qoidalari buzilgan O‘zbekiston Respublikasi qonunchiligi va universitetning ichki idoraviy hujjatlari talablari;
- qoidabuzarlikni sodir etish vaqt, joyi, usuli;
- qoidabuzarlikni sodir etishga jalb qilingan shaxslar doirasi (universitet xodimlari bilan bir qatorda uchinchi shaxslar ham);
- qoidabuzarlikning og‘irlik darajasi;
- universitetga yetkazilgan moddiy va nomoddiy, obro-e’tibor xarakteridagi zararning ko‘rinishi va ko‘lami;
- qoidabuzarlikni sodir etishga aloqador bo‘lishi mumkin bo‘lgan boshqa ma’lumotlar.

30. Xizmat tekshiruvini o‘tkazish davomida olinadigan ma’lumotlar manbasi quyidagilar bo‘lishi mumkin:

- ustidan Xizmat tekshiruvi o‘tkazilayotgan xodim (talaba), universitetning boshqa xodimlari, uchinchi shaxslarning yozma yoki og‘zaki tushuntirishlari;
- tasdiqlovchi hujjatlar (yozma va elektron shaklda);
- internet tarmog‘ining ommaviy tizimida joylangan axborot manbalarining ma’lumotlari;
- audioyozuvlar, foto- va videotasvirlar;
- qoidabuzarlikka aloqador bo‘lgan boshqa materiallar.

31. Yuqorida sanab o‘tilgan barcha, shu jumladan konfidensial ma’lumotlar ishchi guruh tomonidan universitetda qabul qilingan barcha taomillarni qo‘llagan holda, shuningdek universitetning ichki hujjatlari va O‘zbekiston Respublikasi qonunchiligiga muvofiq olinishi va foydalanilishi kerak.

32. Universitet xodimlari yoki jalb etilgan boshqa shaxslar bilan o‘tkazilgan suhbat jarayoni audio yoki video qayd qilinishi, suhbat to‘g‘risida bayonnomaga tuzilishi kerak (audio yoki video qayd xizmat tekshiruvi materiallariga qo‘sib qo‘yiladi).

Audio va video qaydni amalgा oshirishdan oldin suhbat o‘tkazilayotgan shaxsning roziligi olinadi. Rozilik berilmasa audio va video qaydni amalgा oshiruvchi uskunalardan foydalanishga yo‘l qo‘yilmaydi.

33. Ustidan xizmat tekshiruvi o‘tkazilayotgan yoki boshqa xodimning suhbat yoki tushuntirish berishdan bosh tortilgan hollarda ushbu Reglamentning **1-ilovasiga** mos shaklda dalolatnoma rasmiylashtiriladi.

34. Ishchi guruh rahbari mazkur xodimni dalolatnoma bilan tanishganligini tasdiqlash uchun unga imzo qo‘yishi zarurligi to‘g‘risida xabardor qiladi. Agar xodim (talaba) hujjatga imzo qo‘yishdan bosh tortsa, u holda ishchi guruh rahbari hujjatga tegishli belgi qo‘yadi.

35. Ustidan tekshiruv o‘tkazilayotgan xodim (talaba) tomonidan dalolatnomaga (yoki boshqa hujjatlarga) imzo qo‘ymaslik unga nisbatan tegishli javobgarlik chorasi qo‘llashdan ozod qilmaydi.

## **VI. Ishchi guruh rahbari va a'zolarining huquq va majburiyatlari**

36. Ishchi guruh rahbari Xizmat tekshiruvining samaradorligi va natijasi, shuningdek ishchi guruh a'zolarining mazkur Reglament bilan belgilangan talablarga amal qilishlari uchun mas'ul bo'ladi.

37. Xizmat tekshiruvi o'tkazish davomida ishchi guruh rahbari quyidagi vazifalarni amalga oshiradi:

- Xizmat tekshiruvi o'tkazishning yonalishlari, amalga oshiriladigan tadbirlarni belgilaydi, ishchi guruh a'zolari oldiga vazifalar qoyadi;
- ishchi guruh tomonidan Xizmat tekshiruvi o'tkazilishini tashkillashtiradi va muvofiqlashtiradi;
- ishchi guruh tomonidan Xizmat tekshiruvining ushbu Reglamentga muvofiq ravishda o'tkazilishini nazorat qiladi;
- suhbat o'tkazish, tushuntirish talab qilib olish zarur bo'lgan xodimlar ro'yxatini tuzadi;

Xizmat tekshiruvini xolis va samarali o'tkazish uchun zarur bo'lgan choralar ko'rlishini ta'minlaydi (masalan, universitetdagi ma'lumotlarni yo'q qilish jarayonlarini to'xtatib turishni talab qiladi, tegishli xodimlarga nisbatan tekshiruv o'tkazilayotgan davrda ma'lum bir axborot tizimlari, muayyan hujjatlardan foydalanishga cheklov qo'yishni tavsiya qiladi, zaruriyat tug'ilganda tekshiruvni o'tkazishning maksimal muddatlarini uzaytirish bo'yicha taklif tayyorlaydi va boshqalar.);

Universitet rektoriga Xizmat tekshiruvi natijalarining taqdim etilishini ta'minlaydi.

38. Xizmat tekshiruvini o'tkazishda ishchi guruh ralibari va a'zolari quyidagi huquqlarga ega:

- Universitet xodimlari bilan suhbat o'tkazish, tushuntirish xati olish, tekshiruv mohiyati to'g'risida ma'lumotga ega bo'lishi mumkin bo'lgan uchinchi shaxslar, shuningdek tashqi ekspertlarni ularning roziligi bilan Xizmat tekshiruvi jarayoniga taklif qilish. Uchinchi shaxslar va tashqi ekspertlarni jalg qilish masalasi universitet rektori bilan kelishilishi shart;
- suhbatni yozma shaklda yoki zaruriyat tug'ilganda tushuntirish berayotgan shaxsning roziligi bilan audio- va videoqayd etuvchi uskunalar qo'llash bilan qayd etishni amalga oshirish;
- Universitet xodimlaridan Xizmat tekshiruviga aloqador bo'lishi mumkin bo'lgan materiallarni olish;
- Universitetning mulkining bus-butunligini xatlov va taftishdan o'tkazish;
- o'tkazilayotgan Xizmat tekshiruvi doirasida o'z lavozim majburiyatlarini bajarish uchun foto- va video qaydlarni amalga oshirish.

39. Ishchi guruh rahbari va a'zolari majburiyatlari:

- Xizmat tekshiruvini o'tkazishda ushbu Reglament, universitetning boshqa ichki hujjatlari va O'zbekiston Respublikasi qonunchiligi talablariga amal qilish;
- Xizmat tekshiruvi mohiyati bo'yicha mavjud barcha materiallarni to'plash;
- Xizmat tekshiruvi maqsadlari uchun ahamiyatga ega bo'lgan ma'umotlarning (hujjatlar, elektron ma'lumotlar va b.) butligini saqlash

bo‘yicha choralar ko‘rish;

- mazkur Reglament, universitetning boshqa ichki hujjatlari va O‘zbekiston Respublikasi qonunchiligidagi ko‘zda tutilgan holatlardan tashqari xizmat tekshiruvi o‘tkazish doirasida olingan ma’lumotlarning mutlaqo konfidensialligini saqlash va oshkor qilmaslik;
- mazkur Reglament talablariga muvofiq ravishda tekshiruv natijalarini rasmiylashtirish, shu jumladan, javobgarlik choralar, shuningdek qoidabuzarlik sabablari va qoidabuzarlikni sodir etishga turki bo‘lgan shartlarni bartaraf qilish imkonini beradigan choralarini qo‘llash bo‘yicha takliflar ishlab chiqish.

## **VII. Ustidan Xizmat tekshiruvi o‘tkazilayotgan xodimlarning huquqlari**

40. Ustidan Xizmat tekshiruvi o‘tkazilayotgan xodim quyidagi huquqlarga ega:

- Xizmat tekshiruvi o‘tkazish fakti to‘g‘risida xabardor bo‘lish;
- qoidabuzarlikning sodir etilishi sabablari va sharoitlari, Xizmat tekshiruvining borishi haqida o‘z fikr-mulohazalarini ifodalash huquqi bilan yozma va og‘zaki tushuntirishlar berish, shuningdek uning tushuntirishlarini tasdiqlashi mumkin bo‘lgan isbot-dalillarni taqdim etish;
- Tushuntirishlar taqdim etishdan bosh tortish - bu holda ushbu Reglamentning 33-bandida ko‘zda tutilgan dalolatnoma tuziladi;
- o‘zi tomonidan taqdim etilgan, o‘tkazilayotgan Xizmat tekshiruvi, Xizmat tekshiruvi materiallariga aloqador bo‘lgan hujjat va materialarga qo‘sib qo‘yishni talab qilish;
- Xizmat tekshiruvi tugaganligi to‘gdisidagi xabarni olish va bunday xabar olingandan keyin 2 (ikki) kun ichida xizmat tekshiruvi ma’lumotnomasining unga tegishli qismi bilan u tasdiqlanishiga qadar tanishish (u foydalanish va o‘z mulohazalarini qo‘sib qo‘yish huquqiga ega bo‘ligan konfidensial axborotdan tashqari);
- Xizmat tekshiruvi natijalaridan, shu jumladan, ishchi guruh tomonidan tekshiruv yakunlari bo‘yicha taklif etilgan javobgarlik chorasidek norozi bo‘lgan taqdirda ushbu qaror ustidan universitet rahbariga yoki yuqori turuvchi idoralarga shikoyat qilish.

## **VIII. Xizmat tekshiruvini o‘tkazishga jalb qilinadigan boshqa xodimlarning huquq va majburiyatları**

41. Xizmat tekshiruvini o‘tkazishga jalb qilinadigan xodimlar xizmat tekshiruvini o‘tkazishda ishchi guruhga har tomonlama ko‘mak berish, shu jumladan, Xizmat tekshiruvi bo‘yicha talab qilingan tushuntirishlar, ma’lumot va hujjatlarni berishlari, ishchi guruh a’zolari tomonidan tashkil etiladigan suhbatlarda ishtiroy etishlari shart.

42. Xizmat tekshiruvini o‘tkazishga jalb qilinayotgan xodimlar ularning tekshiruvda ishtiroy etishlari sababli ularga ma’lum bo‘lgan xizmat tekshiruvi ma’lumotlarini oshkor qilishga haqli emaslar.

43. Xizmat tekshiruvini o'tkazishga jalb qilinayotgan xodimlar quyidagi huquqlarga ega:

- o'zları va yaqin qarindoshlarga qarshi guvohlik bermaslik;
- Universitet rahbariga ishchi guruh rahbari va a'zolarining harakatlari (harakatsizligi) ustidan shikoyat qilish.

## **IX. Xizmat tekshiruvi natijalarini rasmiylashtirish**

44. Xizmat tekshiruvi natijalari bo'yicha ishchi guruh rahbari, uning barcha a'zolari, Xizmat tekshiruvi o'tkazilayotgan xodim tomonidan imzolanadigan ma'lumotnomaga tuziladi.

45. Ma'lumotnomaga mazkur Reglamentga **2-ilovaga** muvofiq shaklda tuzilib, kirish, bayon, xulosa va taklif qismidan iborat bo'ladi.

46. Ma'lumotnomaya yoki uning alohida bandlaridan norozi bo'lgan, ishchi guruh a'zosi, shuningdek ustidan xizmat tekshiruvi o'tkazilayotgan shaxs yozma ravishda rasmiylashtirilgan va ishga tirkalgan holda alohida fikrda ekanligini bildirgan belgi bilan ma'lumotnomaga imzo qo'yishi mumkin.

47. Ustidan xizmat tekshiruvi o'tkazilayotgan shaxs ma'lumotnomaga imzo qo'yishdan bosh tortgan hollarda dalolatnomaga rasmiylashtiriladi. Ushbu dalolatnomaga ishchi guruh a'zolaridan tashqari, xizmat tekshiruvi natijalaridan manfaatdor bo'limgan kamida ikki nafar shaxs imzo qo'yishi lozim.

48. Ma'lumotnomaga asosan universitet rektori quyidagi qarorlarni qabul qilishi mumkin:

- qoidabuzarlik to'g'risidagi ma'lumot tasdiqlamaganligi munosabati bilan xizmat tekshiruvini to'xtatish;
- sabablar va muddatlari ko'rsatilgan holda xizmat tekshiruvi materiallarini qo'shimcha ishlash uchun, zaruriyat tug'dirganda esa - ishchi guruh tarkibini o'zgartirish uchun qaytarish;
- aybdor xodimni intizomiy javobgarlikka tortish;
- xodimga nisbatan ogohlantirish, profilaktik xarakterdagi choralarini qo'llash;
- kelgusida shu kabi qoidabuzarliklar sodir bo'lishining oldini olish bo'yicha tegishli chora-tadbirlarni ishlab chiqish;
- huquqbazarlik yoki jinoyat alomatlari tasdiqlangan holda, tegishli materialarni huquqni muhofaza qilish organlariga taqdim etish.

49. Xizmat tekshiruvi natijalari to'g'disidagi ma'lumotnomaga ichki nazorat tuzilmasiga, kadrlar bilan ishlovchi tarkibiy bo'linmalarga taqdim etiladi.

50. Xizmat tekshiruvi o'tkazilishiga sabab bo'lgan ma'lumot haqida xabar bergen shaxslar qoidabuzarlik tasdiqlangani yoki tasdiqlanmagani, shuningdek ko'rilgan choralar haqida umumiy tarzda xabardor qilinadi.

## **X. Xizmat tekshiruviga oid hujjatlarni saqlash va ulardan foydalanish**

51. Xizmat tekshiruvida ishtirok etayotgan universitet xodim (talaba)lari tekshiruv davomida ularga ma'lum bo'lgan axborotning konfidensialligini taminlaydilar (O'zbekiston Respublikasi qonunchiligidagi ko'zda tutilgan holatlar bundan mustasno).

52. O‘tkazilgan xizmat tekshiruvi doirasidagi ma’lumotlardan vakolatli foydalanish huquqiga faqat universitet rektori, Korrupsiyaga qarshi kurashish “Komplaens-nazorat” tizimini boshqarish bo‘limi va ishchi guruh a’zolari (mazkur ishchi guruh a’zosi ishtirok etgan tekshiruvlar bo‘yicha) ega.

53. O‘“z lavozim vazifalarini bajarish uchun o‘tkazilgan xizmat tekshiruvlari haqidagi axborotdan foydalanishi zarur bo‘lgan xodimlar, ushbu axborotdan foydalanishi uchun universitet rektorining yozma roziligini olishi lozim.

54. Xizmat tekshiruviga oid materiallar ishchi guruh rahbari tomonidan alohida yig‘majildga raqamlangan va tikilgan holda Ichki nazorat tuzilmasi va Inson bo‘linmasiga topshiriladi.

55. Universitetning Korrupsiyaga qarshi kurashish “Komplaens-nazorat” tizimini boshqarish bo‘limi mazkur Reglamentga 3- ilovaga muvofiq shaklda xizmat tekshiruvlari elektron reyestrini yuritilishini ta’minlaydi.

56. Xizmat tekshiruviga oid barcha hujjatlar, agar boshqacha tartib O‘zbekiston Respublikasi qonunchiligidagi ko‘zda tutilmagan bo‘lsa, tasdiqlangan vaqtidan boshlab 10 (o‘n) yil davomida saqlanishi lozim.

Toshkent arxitektura qurilish universitetida  
xodimlarining korrupsiyaviy xatti-harakatlari va  
odob-axloq qoidalanni buzish holatlari ustidan  
xizmat tekshiruvlari o'tkazish bo'yicha  
Reglamentga 1-ilova

## DALOLATNOMA

«\_\_\_» 20\_\_\_ y.

Biz, quyida imzo qo'yuvchilar

(FISH, lavozimi)

---

(FISH, lavozimi)

---

(FISH, lavozimi)

---

Xodim (FISH, lavozimi) 20—yilning « »da

\_\_\_\_\_ ,dan  
iborat bo'lgan qoidabuzarlik sodir etilganligi to'g'risida yozma tushuntirish berish  
taklif etilgan bo'lib, u yozma tushuntirish berishni rad etgani to'g'risida ushbu aktni  
tuzdik.

Yozma tushuntirish berishni rad etganligi sabablarini xodim (FISH, lavozimi)  
quyidagilar bilan izohladi

---

---

(tushuntirish berishni rad etganlik sabablari erkin shaklda bayon etilsin).

Dalolatnomal tuzgan shaxslar imzosi:

\_\_\_\_\_ (imzo)

\_\_\_\_\_ (FISH)

\_\_\_\_\_ (imzo)

\_\_\_\_\_ (FISH)

Dalolatnomani imzolashdan bosh tortsa, ishchi guruh raxbari 9imzolashdan bosh  
tortdi) yozuvini kiritib, o'zi imzo qo'yadi.

Toshkent arxitektura qurilish universitetida  
xodimlarining korrupsiyaviy xatti-harakatlari va  
odob-axloq qoidalanni buzish holatlari ustidan  
xizmat tekshiruvlari o'tkazish bo'yicha Reglamentga  
2-ilova

## **Xizmat tekshiruvi natijalari to'g'risida ma'lumotnoma -son**

1. Asos: Universitet rektorining buyrug'i (sana va raqami)

2. Ishchi guruh tarkibi:

Ishchi guruh rahbari \_\_\_\_\_

(lavozimi, familiyasi, initisiallari)

Ishchi guruh rahbari \_\_\_\_\_

(lavozimi, familiyasi, initisiallan)

3. Xizmat tekshiruvim o'tkazilgan muddati:

4. Tekshiruv o'tkazish uchun asoslar (kelib tushgan xabarning qisqacha mazmuni)

5. Bayon qismi (xizmat tekshiruvida aniqlangan faktlar): qoidabuzarlik sodir bo'lganmi va u nimalarda ifodalangan, qoidabuzarlik sodir etilgan joyi, vaqt, usuli va qoidabuzarlikni sodir etishning boshqa sharoitlari;

Xizmat tekshiruvi o'tkazilayotgan xodim(lar)nmg ma'lumotlari (FISh, lavozimi, (tuzilmaviy bo'linma nomi (boshqarma, bo'lim nomini ko'rsatgan holda), mehnat shartnomasi tuzilgan sana, ushbu xodimga msbatan Xizmat tekshiruvi avval ham o'tkazilganmi),

qoidabuzarlikni sodir etishga aloqadorbo'lgan shaxslar doirasi, qoidabuzarlikni sodir etish maqsadlari va sabablari; qoidabuzarlikni sodir etishga turki bo'lgan sabab va shartlar,

konkret xodimmng aybdorligini tasdiqlovchi yoki uning aybsizligigaguvohlik beruvchi to'plangan ma'lumotlar tahlili,

Xizmat tekshiruvi o'tkazilayotgan xodimning o'z himoyasi uchun keltiigan dalillari, ularni tekshirish natijalari.

6. Xulosa va takliflar:

a) xulosa qismida:

Xizmat tekshiruvi o'tkazilgan shaxs(lar)ning harakat(lar)ida (harakatsizligida) qoidabuzarlik mavjud yoki yo'qligi to'g'risida xulosa,

qoidabuzarlik bo'lsa. talablari buzilgan O'zbekiston Respublikasi qonunchiligi yoki Universitetning ichki hujjatlan nomi, sanasi va buzilgan qoida mazmuni,

qoidabuzarlik sodir etish natijasida yetkazilgan zarar xarakteri va ko'larni (mavjud bo'lsa),

b) taklif qismida

aybdor shaxs (lar)ni javobgarlikka tortish bo'yicha takliflar;

qoidabuzarlik sodir etishga olib keladigan sabab va shartlarni bartaraf qilishga qaratilgan tavsiyalar, Xizmat tekshiruvi materiallarini huquqni muhofaza qilish organlariga taqdim etish zaruriyati.

Ishchi guruh a'zolari imzolari:

Ma'lumotnomaga bilan tanishdim\*:

---

(FISH, lavozimi)

---

(imzo)

---

(sana)

Toshkent arxitektura qurilish universitetida xodimlarining korrupsiyaviy xatti-harakatlari va odob-axloq qoidalanni buzish holatlari ustidan xizmat tekshiruvlari o'tkazish bo'yicha Reglamentga  
3-ilova

## Xizmat tekshiruvlari elektron reyestri

<b>T/R</b>	Xizmat tekshiruvi o'tkazish to'g'risidagi buyruq raqami va sanasi	O'tkazilgan Xizmat tekshiruvi o'tkazish natijalari to'g'risidagi ma'lumotnomalar qismi va sanasi	Xizmat tekshiruvi o'tkazish davri	Ishchi guruhi tarkibi	Qoidabuzarlik to'g'risidagi axborot kelib tushgan manba	Xizmat tekshiruvi o'tkazish yo'naliishlarining qisqacha ta'rifi	Tekshiruv natijalarining qisqacha ta'rifi	Aniqlangan aybdor shaxslar ro'yxati	Tekshiruv natijalar bo'yicha tasdiqlangan choralar	Muddatlar va ijro uchun mas'ul	Amalda bajarilganlik to'g'risida gi axborot
<b>1</b>	<b>2</b>	<b>3</b>	<b>4</b>	<b>5</b>	<b>6</b>	<b>7</b>	<b>8</b>	<b>9</b>	<b>10</b>	<b>11</b>	<b>12</b>

